

Aappariilertarneq pillugu Kalaallit Nunaannut kaajallaasitap allanngortinneqarnera pillugu kaajallaasitaq

(Kalaallit Nunaanni Naalagaaffiup Sinnisuanut aamma Kalaallit Nunaanni kommuninut palasinullu tamanut)

§ 1

Aappariilertarneq pillugu Kalaallit Nunaannut kaajallaasitami nr. 103-mi 21. juni 1996-imeersumi imatut allannguisoqarpoq:

1. Aallaqqaasiut imatut oqaasertaqassaaq:

>>Aappariilertarneq aappariigunnaartarnerlu pillugit inatsisip Kalaallit Nunaannut atortuulersinneqarneranik peqqussummi nr. 307-imi 14. maj 1993-imeersumi § 11 aamma § 18, imm. 3 aamma nalunaarsukkamik inooqatigiinneq il.il. pillugit inatsisip allanngortinneqarneranik inatsisip Kalaallit Nunaannut atortuulersinneqarneranik peqqussummi nr. 375-imi, 15. maj 2009-imeersumi § 2, imm. 4 naapertorlugit aalajangersarneqarpoq:<<

2. Kapitali 3 imatut oqaasertaqassaaq:

>>Kapitali 3

Nalunaarsukkamik inooqatigiit aamma nalunaarsukkamik inooqatigiinneq

§ 18. Malittarisassat kaajallaasitamiittut nalunaarsukkamik inooqatigiilernermi taamatulli atuutissapput, § 10, imm. 2, § 13, imm. 4, oqaaseqatigiit sisamaat aamma § 15 eqqaassanngikkaanni.

§ 19. Aappaasoq, nunami allami innuttaassuseqartoq imaluunniit najugaqartoq, nalunaarsukkamik inooqateqalerusuppat, katissinnaanermut akuersissuteqarsinnaatitaasup aappariit paasitissavai, nalunaarsukkamik inooqatigiilerneq nunani allani akuerineqanngeriataarsinnaasoq.

§ 20. Nalunaarsukkamik inooqatigiilernermi inooqatigiilersitsinermik isumaginnittuusup aappariit kinaassusiat uppersereeruniuk aperissaaq: "Ilisimatikkassinga nalunaarsukkamik inooqatigiilerusullusi, aperissavakkit Illit AA (aappaasup 1-ip aqqi tamaasa) BB (aappaasup 2-p aqqi tamaasa) nalunaarsukkamik inooqatigilerusunnerit?" Aappaasoq 1 akereerpat aappaasoq 2 aperineqassaaq: "Taamatorpiaq Illit BB (aappaasup 2-p aqqi tamaasa) aperaakkit AA (aappaasup 1-ip aqqi tamaasa) nalunaarsukkamik inooqatigilerusunnerit?" Aappaasoq 2 angereerpat inooqatigiilersitsinermik isumaginnittuusup oqassaaq: "Maanna nalunaarutigigassiuk nalunaarsukkamik inooqatigiilerniarlusi matumuuna Ilissinnut nalunaarutigigaara nalunaarsukkamik inooqatigiilersusi."

§ 21. Siornatigut kateqqareersimasop pillugu malittarisassat siornatigut nalunaarsukkamik aappaqareersimasumut taamatuttaaq atuutissapput.

Imm. 2. Atuakkani, § 8-mi aamma § 13-imi taaneqartuni, katissinnaanermut uppersaatip aamma katinnermut uppersaatip kingorna allanneqassaaq "R", nalunaarsukkamik inooqatigiinneq pineqarpat.<<

§ 2

Kaajallaasitaq atortuulerpoq ulloq 1. juni 1009.

Inatsiseqarnermut ministereqarfik, ulloq 28. maj 2009

BRIAN MIKKELSEN

/ Lars Thøgersen